

第十通第五種

續通志

第二冊

清高宗敕撰

萬有文庫

第二集

總編纂者

王雲五

商務印書館發行

列傳

唐十一

蘇世長

良嗣

韋雲起

孫伏伽

張玄素

蘇世長京兆武功人父振周宕州刺史建威縣侯世長十餘歲上書周武帝帝問讀何書以孝經論語對令舉其詞對曰孝經曰爲國者不敢侮寡論語曰爲政以德帝善之使卒學虎門館父死王事有詔襲爵世長號踊不自勝帝爲改容入隋爲長安令數條上便宜大業末爲都水少監督漕上江會煬帝被弑發喪輿間道路王世充僭號以爲行臺右僕射與豆盧行襄輔兄子弘烈鎮襄陽高祖與二人有舊數遣使諭降行襄殺之洛陽平始與弘烈來歸帝誅行襄而責世長世長曰古帝王受命比之逐鹿豈有獲鹿後忿同獵者問爭肉罪耶今陛下應天順人安可忘管仲雍齒事且武功舊人亂離後死亡畧盡唯臣幸存若殺之是絕其類也帝笑釋之授五山屯監引見玄武門與語平生調之曰卿自謂佞耶直耶對曰愚且直帝曰然則何爲青世充歸我曰世充平天下爲一臣智窮力屈乃歸陛下使世充不死臣據漢南猶爲勃敵帝大笑復嘲之曰卿名長意短口正心邪世長曰名長意短誠如聖旨口正心邪未敢奉詔昔竇融以河西降漢十世封侯臣舉山南歸國唯蒙屯監帝悅拜諫議大夫從獵涇陽大獲帝謂左右曰今日敝樂乎世長曰不滿十旬未爲樂也帝色變旣而笑曰狂態發耶對曰爲臣計則狂爲陛下計忠矣時帝將遂獵武功世長諫曰武功新經突厥寇暴陛下未之救

卹又獵其地百姓何以堪不聽侍宴披香殿酒酣進曰此殿煬帝作耶帝曰卿言似忠實詐豈不知此殿我所營對曰臣實不知但見傾宮鹿臺非受命帝王節用愛人者所爲且陛下武功舊宅纔庇風雨時以爲足今承隋之後正宜刈奢淫復素朴今乃卽其宮加雕飾欲易其亂得乎帝深然之後歷陳州長史天策府軍諮祭酒文學館學士貞觀初使突厥與頡利爭禮不受賂遺朝廷稱之出爲巴州刺史舟敗溺死世長有機辯遊於學嗜酒簡率無威儀初在陝邑里犯法不能禁乃引咎自逢於都街伍伯嫉其詭譎之見血世長不勝痛呼而走人笑其不情子良嗣

良嗣高宗時爲周王府司馬王年少舉事不法良嗣數匡諫且繩府屬之不職者帝異之遷荊州長史宦者探竹江南將時上苑所過橫暴至荊良嗣囚之上書言狀帝下語慰獎取竹棄之徙雍州長史時關內大饑人相食良嗣爲政嚴盜發三日必獲人不取犯武后臨朝遷工部尚書拜納言封溫國公留守西京賞遇尤渥尙方監裴匪躬請齋苑中蔬果收其利良嗣曰公儀休一魯相猶能拔葵去織豈有天子而賣蔬果與人爭利遂止入爲文昌左相同鳳閣鸞臺三品遇僧懷義於朝懷義偃蹇良嗣叱左右批其頰曳去武后聞之戒曰阿師第於北門出入南衙宰相往來勿犯也載初元年罷左相加特進仍知政事與韋方質素不協方質坐事當誅辭引良嗣后辨其非良嗣惻謝不能與輿還第卒贈開府儀同三司益州都督良嗣在荊州時州有河東寺本後梁蕭譽爲兄河東王譽建也良嗣曰江漢間與河東何與秦易之人恨其少學云子踐言官太常丞爲酷吏所

搆貶死嶺南追削良嗣官爵籍其家神龍初復贈司空以踐言子務元襲溫國公終邢王府長史

弁字元容世長五世從孫第進士授奉天主簿德宗出符縣令在府官屬惶懼欲遁弁曰昔肅宗幸靈武新平安定二郡守坐避匿斬君知之乎眾乃定車駕至儲偁畢給帝嘉之朱泚平累擢倉部郎中判度支裴斐延齡死以度支郎中副知度支事度支有副自弁始弁通學術吏事精明承延齡後平賦緩役略去煩苛人頗賴之久之遷戶部侍郎仍判度支改太子詹事舊制詹事班在太常宗正卿下實參卑之徙置河南太原尹下弁造朝輒就舊位被劾詔原之坐前以腐粟給邊貶汀州司戶參軍兄袞時爲贊善大夫冕京兆士曹參軍皆坐貶袞以年老失明聽還冕嘗集本朝事著會要四十卷旣貶有薦其才者亦追還然竟不用弁後起滁州刺史卒弁聚書至二萬卷手自校定當時稱與祕府均判度支時方旱州縣有貞元八年前逋米三百八十萬斛人亡數在奏請出以貸貧民至秋而償詔可當時罪其欺罔云案舊書弁與兄袞見並在儒學傳今從新書附世長傳後

韋雲起京兆萬年人隋開皇中以明經補符璽直長嘗奏事文帝前令言外事不便者時柳述侍側雲起卽奏述性豪侈未更事特以主壻故握兵要議者謂陛下官不擇賢亦不便之大者帝顧述曰雲起之言汝藥石也可師之仁壽初詔百官舉所知述薦雲起授通事舍人大業初改調者契丹寇營州詔雲起護突厥兵討之咸民可汗發騎二萬授節度雲起分爲二十營營相去一里四道並進下令聞鼓行聞角止非公使毋走馬已而紇斤一人犯法

紇斤舊書斬以徇於是酋長皆膝行而

進莫敢仰視契丹本事突厥不虞有他雲起既入其境使突厥詐云詣柳城與高麗交易令營中敢言有隋使者斬去賊營百里僞引而南夜還陳遲明掩擊之獲男女四萬以女子及畜產之半賜突厥餘將入朝而盡殺其男子煬帝大喜擢治書侍御史因劾奏虞世基裴蘊怙寵放命四方有變不以聞聞不以實朝議以賊少發兵不多數致敗北請付有司論罪鄭善果奏雲起營大臣要朝政妄作威權左遷大理司直帝幸江都請告歸高祖入關上謁長樂宮授司農卿封陽城縣公武德初進上開府儀同三司判農圃監時議將討王世充雲起上言京邑初平物情未附頻年饑饉寇盜尚多梁師都北連突厥尤為腹心之患若捨此東討恐姦人乘虛為禍不若戢兵務農先安關中從之尋命總管以九州兵禦突厥累遷遂州都督轉益州行臺兵部尚書僕射竇軌數奏生獠反冀得集兵以威眾雲起每執不從而竇軌亦直言雲起交通生獠規利由是有隙雲起弟慶儉慶嗣並事隱太子太子死詔軌子馳驛報軌軌疑雲起有變先設備而後告之雲起不信曰詔安在軌曰公建成黨今不奉詔同反明矣遂殺之初雲起師博士王頌傳中王頌嘗言韋生識悟富貴可自致然疾惡太甚恐不得其死訖如言子師實官太子少詹事封扶陽郡公師實子方質武后初為鳳閣侍郎同鳳閣鸞臺平章事遷地官尚書嘗有疾武承嗣兄弟往候方質據牀自若或曰倨見權貴且速禍方質曰吉凶命也丈夫豈能折節近戚以苟免哉俄為酷吏所構流儋州卒

書本紀方質亦被殺籍其家神龍初復官孫伏伽貝州武城人仕隋為萬年縣法曹武德初上言

三事其一謂隋之所以失天下者以不聞其過也窮奢極欲使天下肝腦塗地戶口減耗盜賊日滋而朝臣不敢言向使開不諱之路選賢授能賞罰得中人人樂業誰能搖動者乎陛下勿以唐得天下之易遂忘隋失天下之難今聞陛下即位之明日有獻鶴者受而不卻盧牟子獻琵琶張安道獻弓箭並蒙賞勞陛下所少者豈此物哉其二謂百戲散樂並非正聲隋末始見崇用近太常假民間褻褻五百將以衣妓工待五月五日玄武門游戲臣以為非詒子孫之謀論語云放鄭聲今散妓是也臣愚請並廢之其三謂性相近習相遠今太子諸王左右不可不擇夫不義無賴及馳騁射獵歌舞聲色慢游之人望以拾遺補闕必不能也乞觀前代子孫不孝兄弟離間莫不由左右亂之願選賢才澄僚友之選帝自即位未有諫者至是得伏伽疏大悅超擢治書侍御史賜帛三百匹仍下詔獎其誠懇以風勵羣臣時軍興賦斂重伏伽數請釐損帝謂裴寂曰隋為無道主驕臣諂上不聞過下不盡忠以至於亡我今不然平亂任武守成任文比每虛心接待冀聞謏言然唯李綱能盡忠款孫伏伽可謂誠直餘則仍踵敝風豈朕所望哉王世充竇建德平大赦天下既又欲徙其支黨伏伽諫曰臣聞王言無戲故書曰爾無不信朕不食言陛下制詔曰常赦不免皆原之是非直赦有罪乃亦與天下更新辭也何以世充建德部下赦後又欲遷之書曰讎厥渠魁舊從罔治今世充尚免其下何辜往者天下未平自須應機制變今四方已定設法當與天下共守之若自為不信欲人之信豈可得哉臣謂賊黨於赦合免者宜一切加原又請置諫官帝皆納之太宗即位封樂安


縣男遷大理少卿帝數出馬射伏伽諫曰臣聞天子之居禁衛九重動則出警入蹕此非徒示尊嚴為社稷生人計也比聞陛下走馬射帖殆非所以導養聖躬垂憲後代帝悅曰卿能言朕非朕能改之後坐奏囚誤失免官尋起為刑部郎中累大理卿司農市木植倍直與民右丞章怛劾吏隱沒下大理訊伏伽曰緣官市貴故民直賤臣見司農識大體不見其罪帝悟顧宗曰卿不逮伏伽遠矣久之出為陝州刺史致仕顯慶三年卒

張玄素蒲州虞鄉人仕隋為景城縣戶曹竇建德陷景城將殺之縣人千餘號泣請代曰此清吏殺之是無天也建德命釋縛署治書侍御史不拜聞江都之變始為建德黃門侍郎建德平授景州錄事參軍太宗即位召問政對曰自古未有如隋亂者豈非君自專法日亂乎夫人主身決庶務縱十中其五信善矣其五之不中者何一日萬幾積其失不亡何為若上賢右能使百司各善其職則高居深拱誰敢犯之隋末盜起爭天下者不十數人餘皆保城邑以歸命有道是背上怙亂者鮮特人主不能安之而挺之亂耳陛下近歷危亡日慎一日雖堯舜何以加帝曰善拜侍御史遷給事中貞觀四年詔發卒修洛陽宮乾陽殿以備巡幸玄素上疏陳五不可謂東都未有幸期前事土木諸王出藩又當營構科調煩煩一也向平東都層觀廣殿皆撤毀之今復興築頓乖初意二也國無兼年之儲又與不急之務未幸東都故云不急之務新書云陛下每言巡幸勞役過度者不急之務徒馬勞費似失其意今從舊書勞役過度怨讟將起三也百姓承亂離之後財力凋盡三五年間恐未平復而又重耗其力四也漢高祖將都洛陽憂敬一言即日西駕以洛陽形勝不及關內也陛下化凋弊

之俗爲日尙淺詎可東巡以搖人心五也又言隋家營殿伐木豫章二千人挽一材以鐵爲轂不數里輒壞別數百人齎轂隨之終日行不三十里計一材費數十萬工揆其餘可知已昔阿房成秦人散章華就楚眾離乾陽畢功隋人解體今民力未及隋日而役殘創之人襲亡國之軌臣恐陛下之過甚於煬帝矣帝曰卿謂我不如煬帝何如桀紂對曰若此役不息亦同歸於亂耳帝顧房玄齡曰洛陽朝貢道均朕營之將以便四方百姓今玄素言如此後雖當往露坐亦無傷也即詔罷役賜玄素綵二百匹魏徵聞之歎曰張公論事遂有回天之力可謂仁人之言哉歷太子少詹事遷右庶子時太子承乾事游畋不悅學玄素上書曰古者三驅非以教殺除民害也今反以獵爲娛豈不損盛德哉書曰事不師古匪說攸聞然則明道在學古學古在師訓孔穎達奉詔勸講宜數延問更博選賢傑朝夕與相觀摩日知所無月無忘所能斯善矣凡人性不勝情耽惑成亂忠信既塞君道乃虧古人云勿以惡小不去善小不爲禍福之來皆根於初初尙不慎終將焉保太子不納又上書曰周公大聖人猶握髮吐餐以延白屋況下於周公者哉殿下睿質已隆尙須充以學力孔穎達趙弘智等皆宿德鴻儒兼達政要望數召見講論古今必多裨益至雕蟲小技之流祇可閒取以代博奕耳騎射游畋酣歌戲玩雖悅耳目實穢心神夫心爲萬事主動而無節則亂臣恐殿下敗德之源在此矣十四年擢銀青光祿大夫行左庶子太子久不見賓友玄素曰宮中祇婦人耳不知如樊姬者有幾主上妙簡賢才以爲豪佐乃經時不得一見將誰爲納誨哉太子嫉其數諫遣戶奴夜以

馬撾擊之幾死又嘗聞宮中擊鼓叩關正言太子出鼓對玄素破之旣而敗德日聞玄素又上書諫舉周宣帝爲太子時失德終致覆國及隋太子勇驕侈被譏見廢事爲近事之鑒且言主上以父子之親詔殿下資用不爲節限詔在貞觀十六年乃詔未六旬而用踰七萬驕奢無藝孰有過此龍樓望苑爲工匠之肆所施與者非游手雜色則圖畫雕鏤之人旣關問安視膳之宜又無愛學好道之實在外已有此失隱密之中尙可勝計哉書入太子怒遣刺客伺之俄太子廢玄素坐除名十八年起潮州刺史徙鄧州高宗時致仕卒始玄素與孫伏伽在隋皆爲令史帝嘗問玄素歷官所由玄素深自愧恥褚遂良諫曰臣聞聖主不戲言於臣陛下以玄素任三品佐儲闈豈宜復對羣臣窮其門戶使置身無地乎帝曰朕亦悔之伏伽雖廣坐陳說往事無所隱焉

欽定續通志卷二百十一



欽定續通志二百十二

列傳

唐十二

韋挺 待價

武楊弘禮 弘武

劉德威 審禮

趙弘智

權萬紀 懷恩

閻立德 立本 知

蔣儼

韋機

姜師度 強循

張知審

韋挺京兆萬年人父冲仕隋爲民部尙書挺少與隱太子善高祖入長安署隴西公府祭酒累遷太子左衛驍騎檢校左衛率太子遇之厚宮臣無與比武德七年帝避暑仁智宮或言太子與宮臣謀逆又楊文幹反亂連東宮帝責宮臣由是挺與杜淹王珪等皆流嶺州未幾召拜主爵郎中貞觀初王珪數薦之累遷黃門侍郎拜御史大夫扶陽縣男太宗謂曰卿之任大夫獨朕意左右無爲卿地者挺曰臣驚下不足辱高位且非勳舊願後臣以勸立功者不聽是時承隋大亂風俗薄惡人不知教挺上言父母之喪創已痛深今衣冠士族辰日不哭謂爲重喪親賓來弔輒不臨舉又閭里細人每有重喪不卽發問先造邑社待營辦具乃始發哀至假車乘雇棺槨以榮送葬既葬隣伍會集相與酣醉名曰出孝夫婦之道王化所基故有三日不熄燭不舉樂之感今昏嫁之初雜奏絲竹以窮宴歡並乖禮憲請一切懲革俄復爲黃門侍郎兼魏王泰府事泰貶改太常卿初挺爲大夫時馬周爲監察御史挺不甚禮及周爲中書令帝欲用挺周言挺很於自用非宰相器遂止帝將討高麗擇主餉運者周言挺才任羈使帝謂然挺父故爲營州總管嘗經略高麗故札藏家挺上之帝悅曰自幽距

遼二千里無州縣吾軍靡所仰食卿爲朕圖之苟吾軍用不乏是公之功其自擇文武官四品十人爲子使取幽易平三州銳士若馬各三百以從即詔河北列州皆取挺節度許以便宜帝親解貂裘及中殿馬賜之挺遣燕州司馬王安德行渠作漕艦轉糧自桑乾水抵盧思臺行八百里渠塞不可通挺以方苦寒未可進遂下米臺側廬之待凍泮乃運以爲解即上言度王師至食且足帝不悅曰兵靈拙速無工遲我明年師出挺乃度它歲運何哉即詔韋懷質馳按懷質還劾挺在幽州日置酒弗憂職不前視渠即造船行粟及至盧思臺乃悟非是欲進則不得還且水涸六師所須恐不如陛下之素帝怒遣李道裕代之傳唐臨馳傳挺赴洛陽廢爲民以白衣從軍帝破蓋牟城詔挺將兵鎮守示復用城與賊新城接日夜轉鬪無休時挺以失職內不平作書謝所善衛士公孫常會常以他事繫獄死索橐中得挺書意怨望貶象州刺史歲餘卒年五十八子待價萬石待價初爲左千牛備身永徽中江夏王道宗得罪待價以壻貶盧龍府果毅時將軍辛文陵招慰高麗次吒護眞水爲虜所襲待價與薛仁貴率所部兵救之文陵亦苦戰遂免待價重創矢著左足隱不言卒以疾免起爲蘭州刺史吐蕃盜邊爲涼州大都督府司馬俄遷肅州刺史以功召拜右武衛將軍儀鳳三年吐蕃復入寇以待價檢校涼州都督兼知鎮守兵馬事召還封扶陽侯武后臨朝攝司空護營乾陵改天官尙書同鳳閣鸞臺三品待價起武力典選無銓總才朝野其崑薄之俄爲燕然道行軍大總管禦突厥踰年還拜文昌右相仍同二品累表辭不聽且謂盡力行陣許之於是拜安息道

行軍大總管督三十六總管以討吐蕃進爵爲公軍至寅識迦河與吐蕃合戰勝負略相當會其副閭溫古逗留又天大寒待價不善撫御師人多死餉乏乃旋師頓高昌后大怒斬溫古流待價繡州卒曾孫武武年十一廕補右千牛累遷長安丞德宗幸梁州委妻子奔行在除殿中侍御史元琇爲水陸轉運使表武以倉部員外郎充判官謀不用杜門數月而琇敗轉刑部員外郎是時帝以反正告郊廟大兵後典章不完執事者時時咨武武酌宜約用得禮之衷羣司奉焉後爲絳州刺史鑿汾水灌田萬三千餘頃盡書勞勉憲宗時入爲京兆尹護治豐陵未成卒贈吏部尙書萬石善音律上元中遷累太常少卿當時郊廟無會樂曲皆萬石與太史令姚元辯增損之號任職始萬石奏太樂博士弟子遭喪者請卒哭追集侍御史劉思立劾奏萬石官太常首紊風化請付吏論罪高宗方委任萬石罷其奏後知吏部選事卒於官楊弘禮字履莊隋尙書令素弟之子與玄感不協嘗表其必亂玄感誅父岳繫長安獄煬帝使赦之比至岳已死高祖即位詔弘禮襲清河郡公除太子通事舍人貞觀中累遷中書舍人太宗征高麗拜兵部侍郎駐蹕之役領步騎二十四軍跳出賊背所向摧靡帝自山下望其眾袍仗精整人人盡力壯之謂許敬宗曰越公兒郎故有家風時宰相悉留定州輔皇太子唯褚遂良敬宗弘禮掌行在機務還拜中書侍郎遷司農卿爲崑丘道副大總管破處密殺焉者王降駁支部獲龜茲于闐王凱旋會帝崩大臣疾之下遷涇州刺史永徽初追論其功遷勝州都督改太府卿卒贈蘭州都督諡曰質弟弘

武

弘武少修謹永徽中累爲吏部郎中太子中舍人高宗東封泰山自荊州司馬擢司戎少常伯從帝還遷西臺侍郎帝嘗讓曰爾在戎司授官多非其才何邪弘武曰臣妻剛悍此其所屬不敢違以諷帝用后言也帝笑不罪乾封二年同東西臺三品弘武無他才特謙慎自守然居職以清簡稱卒贈汴州刺史諡曰恭三子元亨元禧元禕元禕爲尚舍奉御善醫武后所信愛嘗忤張易之易之奏素在隋有逆節子孫不可供奉后乃詔素及兄弟子孫不得任京官及侍衛貶元亨睦州刺史元禧資州刺史元禧榜州司馬易之誅復任京官並至刺史纂字績卿弘禮族父大業時第進上爲朔方郡司法書佐坐玄感近屬廢居蒲城高祖度河上謁長春宮還累侍御史數上書言事稱旨除考功郎中貞觀初爲長安令賜爵長安縣男有告女子袁妖逆者纂按之情不得哀敗太宗惡其不忠將殺之溫彥博救得免後爲吏部侍郎抑文雅進黜吏度時舞數以自進終戶部尚書贈幽州都督諡曰恭纂從子昉武后時爲蕭機宇文化及子訴治先蔭昉方食未卽判遽曰肅機而未食庸知天下有冤而求食乎昉怒取牒署曰父弑隋主子訴隋資可乎人服其敏終工部尚書

劉德威徐州彭城人有幹略隋大業末從裴仁基討淮賊手劒賊首傳行在後歸李密使守懷州密降俱入朝授左武候將軍封滕縣公詔將兵擊劉武周因判并州總管府司馬齊王元吉棄州遁德威總留府事賊薄城民皆叛附賊遂爲武周所獲使率本部徇地涪州得自拔歸盡上賊中虛實高祖嘉納改彭城縣公未幾檢校

大理少卿從平洛陽有功轉刑部侍郎加散騎常侍妻以平壽縣主貞觀初歷大理卿綿州刺史政號廉平百姓立石頌德尋檢校益州大都督府長史入爲大理卿太宗問曰比刑網浸密咎安在德威曰在君不在臣下之寬猛視主之好律失人者減三失出者減五今坐入者無辜坐出者有罪所以吏務深文爲自營計非有教使然也帝然其言後遷刑部尚書檢校雍州別駕詔至齊州按齊王祐獄還半道聞祐反入據濟州詔德威就發河南兵經略之會母喪免既除爲同州刺史永徽三年卒官年七十一贈禮部尚書幽州都督諡曰襄陪葬獻陵德威於閨門友睦爲人寬平生所得奉祿以分宗親無留藏

子審禮審禮少喪母爲祖母元所養隋末大亂道不通審禮向少自鄉里負祖母度江轉側避地及天下平西入長安元每疾病必親煮藥嘗而進元曰兒孝通顯吾一顧念疾輒開門觀中歷左驍衛郎將父喪免比葬徒跣血流行路吞嘆服除當襲爵讓其弟不聽事繼母尤謹與弟延璟爰得祿多資之而妻子執寒苦晏如也再從皆同居合二百口內外無閒言遷工部尚書檢校左衛大將軍儀鳳三年吐蕃寇涼州副中書令李敬玄討之遇虜青海上與戰敬玄逗撓不前審禮敗爲虜執其子尚乘直長殆虐及延璟詣關待罪請入賊以贖有詔審禮徇忠以沒非有罪官各還職特詔殆庶弟易從省之既至而審禮卒易從晝夜哭不止吐蕃哀其志乃還父尸徒跣萬里扶護以歸當時號孝義劉家審禮贈工部尚書諡曰信延景字冬日終陝州刺史睿宗初以后父追贈尚書右僕射陪葬乾陵易從累遷彭城長

史任城縣男永昌中爲酷吏周興誣搆坐死將刑百姓奔走解衣投地曰爲長史祈禱有司平直乃十餘萬天下寃之子昇年十餘歲流嶺表六道使誅流人昇以信愛爲首領所庇免後易姓溫北歸洛景雲中特授右武衛騎曹參軍開元中累遷中書舍人太子右庶子昇能文善草隸

審禮從弟延嗣爲潤州司馬徐敬業攻潤州延嗣與刺史固守城陷敬業遂以降延嗣曰吾世蒙恩今城不守所負多矣詎能苟生爲宗族羞敬業怒將斬之其黨魏思溫救止繫江都獄敬業敗錄忠當敘以裴炎近親裁遷梓州長史轉汾州刺史宗族至刺史者二十餘人趙弘智河南新安人元魏車騎大將軍肅之孫以孝聞仕隋爲司隸從事武德初大理卿郎楚之白爲詹事府主簿太宗時預論譟累遷黃門侍郎兼弘文館學士移病出爲萊州刺史稍遷太子右庶子父事兄弘安俸祿歸之不敢私弘安卒哀慟過期奉嫂甚撫兄子慈均所生會太子廢免官俄拜光州刺史永徽初入爲陳王師講孝經百福殿諸儒詰難隨問酬悉舌無留語高宗喜曰試爲我陳經之要對曰天子有爭臣七人雖無道不失天下願以此獻帝悅賜絹二百名馬一四年進國子祭酒仍爲學士卒年八十二諡曰宣弘安亦終國子祭酒曾孫矜舉明經調舞陽主簿吳少誠反以縣歸歷襄陽丞客死柳州官爲斂葬後十七年子來章始壯自襄陽往求其喪不得野哭再聞旬卜人秦訓爲筮曰金食其墨而火以貴其墓直丑在道之右南有貴神冢土是守宜遇西人深目而髯乃得其實明日有老人過其所問之得矜墓直社北遂歸葬弘安墓次時人哀來章

李皆爲出涕云

權萬紀其先出天水後徙京兆萬年父琢珩隋匡州刺史萬紀性悻直自潮州刺史擢治書侍御史房玄齡王珪掌內外官考萬紀奏其不平帝命推之魏徵曰玄齡等皆大臣所考有私萬紀在朝堂無駁正今始彈奏非誠心爲國也帝乃止然以萬紀不阿貴近頗獎禮之又建言宇文智及隋逆臣其子不宜任千牛帝從之河內人李好德以心疾爲妖言張蘊古案其獄言不當坐萬紀劾其阿縱蘊古坐斬事詳蘊古傳時萬紀與侍御史李仁發皆以敢言進大臣數被譴怒魏徵諫曰小人以訐爲直以讒爲忠陛下欲以警策羣臣而彼挾恩依勢所彈射皆不實深恐上損聖明帝悟從萬紀散騎常侍而免仁發數年召復故官奏言宣饒部中每歲鑿山冶銀可得數百萬帝曰朕所乏者嘉謀賢士今卿以利規我欲方我漢桓靈耶斥使還家久之由御史中丞進尚書左丞出爲西韓州刺史徙吳王長史王畏其直善待之會齊王祐不奉法帝以萬紀能左右吳王因徙爲祐長史祐比昵羣小萬紀驟諫不入遂以聞帝遣劉德威案問因徵祐及萬紀入京祐恐會萬紀先發即遣所親燕宏亮追殺之支解投園中事詳并殺典軍章文振文振亦嘗諫祐不聽以告萬紀故并戕之祐誅賄萬紀齊州都督武都郡公諡曰敢舊書文振亦贈左武衛將軍襄陽縣公萬紀子玄初舊書作玄福高宗時兵部侍郎懷恩萬紀族孫祖弘壽爲隋臨汾司倉書佐高祖入長安擢太僕卿封盧國公卒諡曰恭懷恩襲爵累遷尚乘奉御御人安畢羅爲高宗所寵見帝戲慢不恭懷恩奏事見之退杖之四十帝嗟賞曰良吏也擢萬年令賞罰

明見惡輒取時人語曰靈飲三斗塵無逢權懷恩歷慶萊衛邢宋五州刺史洛州長史所居威名赫然吏重足立姿狀沈毅每盛服妻子不敢仰視嘗過汴州時刺史楊德幹亦以嚴稱汴橋新成立木中途以止過車懷恩適見之謂德幹曰民不可止耶焉用此德幹慚服還益州大都督府長史卒從子楚璧爲左領軍衛兵曹參軍玄宗在東都楚璧與李齊損等擁兵夜入宮城作亂伏誅籍其家懷恩入循吏傳而萬紀附今從新書以工藝進故立德與弟立本並機巧習藝事武德初爲秦王府士曹參軍從平東都還尚衣奉御製袞冕等皆有典法貞觀初擢將作少匠封大安縣男護治獻陵遷大匠文德皇后崩營昭陵坐弛職免起爲博州刺史太宗幸洛陽詔立德擇爽塏地建離宮清暑乃起襄城宮於汝州西山費百餘萬既成煩燥不可居坐免未幾復爲大匠就洪州造浮海大航遂從征高麗車駕至遼澤泥淖亘二百里不可通立德布土作橋軍無留行按新書布土作橋事載在還軍時但車駕已過則此路便當通使命轉軍備安得復有二百里泥淖未除舊書載在初至遼澤時與通之帝悅厚賜之又規築土山以攻安市城不克市城破安從還營翠微玉華二宮進工部尚書帝崩復典陵事進爵縣公永徽五年帝幸萬年宮立德留守因領徒四萬治京城卒贈吏部尚書并州都督陪葬昭陵諡曰康

望坐者甚慙歸戒其子勿習然性所好竟不能罷也既輔政但以俗材應務無所稱述時姜恪以軍功爲左相人因有左相宣威沙漠右相馳譽丹青之嘲咸亨中官名復舊改中書令卒諡曰文貞

知微立德孫聖曆中爲豹韜衛將軍默啜請婚武后遣知微持金帛送武延秀往默啜謂延秀非天子兒囚之挾知微入寇以爲南面可汗破趙定等州及中宗自房陵還東宮始棄趙州去因縱知微還后命磔之天津橋南夷其三族新書言默啜挾知微入寇朝廷以知微責賜百官甘心焉與舊書所載頗異然通鑑所載知微事尤詳綱目亦多採之大意皆與舊書合通鑑出於實錄其言較爲可子則先以武三思壻免死

用之立德曾孫初爲彭州參軍攝錄事一日糾不法及愆謬數十事太守知其才舉通事舍人累遷右衛郎將知引駕仗金吾將軍李質升殿不解刀呵却之請按法行罰左右震悚初有司以三衛執扇登殿用之奏三衛皆趨悍不宜邇御座請以宦者代之遂爲故事終左金吾將軍

蔣儼常州義興人舉明經爲右屯衛兵曹參軍太宗將征高麗募爲使者莫應儼請行既至莫離支以兵脅之不屈囚土窟中高麗平乃得歸授朝散大夫遷幽州司馬巡察使劉祥道奏最狀擢會州刺史入爲殿中少監數陳時政利病高宗納之遷蒲州刺史州戶眾獄繁刺史多以罪去儼至發隱禁爲吏吏永隆二年以老致仕尋召爲太僕卿以父諱辭太子右衛副率中宗在東宮有過儼輒諫不見用時田游巖起處士爲虎馬太子所尊禮儼貽書責其不害游巖愧不能容遷右衛大將軍封義興縣子以太子詹事致仕卒年七十八

中宗立以舊恩贈禮部尚書

韋機新書作京兆萬年人父恪洛州司馬機貞觀時為

左千牛曹參軍使西突厥冊同俄設為可汗會石國

叛道梗二年不得歸因錄所過風俗物產為西域記還

朝上之帝大悅累遷殿中監顯慶中為檀州刺史邊人

不知重儒乃修學官畫孔子七十二子及漢晉諸儒像

自為贊敦勸生徒俗以大化契苾何力討高麗值機水

漲留軍三日機輸糧無闕擢司農少卿主東都營田受

詔完葺宮苑宦者犯法杖之後奏帝善之賜絹五十匹

日後有犯者治勿奏也進司農卿時東都宮室日圯帝

欲更作之而惜其費機曰臣任司農省常費積二十萬

緡足以集事帝大悅詔兼將作少府二職督營繕羽高

山上陽等官上陽制度尤壯麗帝幸東都徙居之僕射

劉仁軌以為非侍御史狄仁傑劾機導上奢泰會機家

人犯盜竟坐免官按機之免通鑑言仁傑劾奏本

士朱欽遂為武后所寵姦賊狼籍機以白帝帝遣中使

慰諭遂請欽遂於邊后街之永清中帝召機以布衣檢

校園苑將復用之后捨之而止終檢校司農少卿孫岳

武后時為汝州司馬以辨治稱召授尚舍奉御出為太

原尹以不習武辭忤旨下遷宋州長史歷廬海等州刺

史並著風跡睿宗立召為殿中少監寶懷貞等誅坐貶

渠州別駕起陝州刺史卒子景駿別有傳舊書稱草機

子岳岳子景駿新書作機孫岳子景駿機孫岳子景駿

傳一岳字遂以景駿為機孫且稱岳為岳子並誤又新書

傳傳末有岳孫卑別有傳今附此姜師度魏州魏人舉明經歷丹陵尉龍岡令有清白稱

神龍初試易州刺史兼河北道巡察度支營田使始治

溝於薊門以限奚契丹又循漢末故迹並海鑿渠以通

餉路罷海運遷司農卿出為陝州刺史太原倉為水陸

運所奏師度使依高為唐注米於舟以達諸河人得不

勞拜太子詹事玄宗移營州治柳城拜營田度支修築

使進河中尹安邑鹽池洄發卒濬之置鹽屯收利不貲

徙同州刺史引洛水以灌朝邑河西二縣遇河以灌通

靈陂收棄地二千頃為上腴置十餘屯帝嘉其功加金

紫光祿大夫賜帛三百匹進將作大匠左拾遺劉彤請

權鹽鐵代貧民賦詔強循與師度會天下按察使議其

法後不行卒年七十餘師度好興作所至繇役紛紜不

能皆便然所就必為後世利時太史令傅孝忠以知星

名人為語曰孝忠知仰天師度知相地嘲所嗜也

強循字季先鳳州人歷雍州司士參軍華原無井人畜

多喝死循始教人治渠灌田人號強公渠歷大理少卿

太子右庶子為政不事威嚴遇人盡信不疑然當時恨

其少文云

張知審字匪躬幽州方城人舊書作滿州河東人徙家岐兄弟五

人知玄知晦知泰知默皆明經高第曉吏治調露後知

審知泰知默並官臺省知審又歷十一州刺史所至有

威嚴萬歲通天中知審自德州入計武后奇其貌詔工

圖之以其兄弟容而才謂之兩絕中宗在房州禁察嚴

苛知審與董元質崔敬嗣相繼為刺史獨供奉不少懈

帝復位召知審為左衛將軍封范陽郡公而以知泰為

御史大夫封漁陽郡公知泰後以忤武三思出為并州

刺史改魏州卒諡曰定知審歷東都副留守左右羽林

大將軍同華州刺史大理卿致仕年八十開元時卒知

審敏且亮尤惡干謁求進誠子孫經不明毋得應舉世

稱其家法知泰武后初嘗奏置東都諸門十七所百姓

驚擾識者薄之知默與來俊臣周興等掌詔獄數陷大
臣其後以酷吏子孫禁錮為張氏羞知玄子景昇知泰
子景佚開元中並至顯官舊書稱機美師度強循張知
改附於此蓋以與循吏舊書並入循吏傳新書
之實不甚應也今從之

列傳

唐十三

長孫无忌敬 謏 操 稽 遂 良 夢 韓 媛

來濟李 義 政 義 琛 上 官 儀

長孫无忌字輔機性通悟博涉書史始高祖兵渡河進謁長春宮授渭北道行軍典籤從秦王征討有功累擢比部郎中上黨縣公太子毒王王病舉府危駭房玄齡謂无忌曰禍隙已芽敢不旋踵矣夫就大計者遺細行周公所以紕管蔡也遂俱入白王請先事誅之王未許无忌引舜浚井塗廩事喻之王未決事益急乃遣无忌房玄齡杜如晦定計无忌與尉遲敬德侯君集張公謹劉師立公孫武達獨孤彥雲杜君綽鄭仁恭李孟嘗計兼平之王為皇太子授左庶子即位遷吏部尚書以功第一進封齊國公帝以无忌佐命元勳地兼外戚又少相友眷倚日厚常出入臥內進尚書右僕射突厥頡利可汗已盟而政亂請將討之帝顧新盟不取為失機取之失信計猶豫以問大臣蕭瑀曰兼弱攻昧討之便无忌曰今我務戢兵待其至乃可擊使遂弱且不能來我又何求臣謂按甲存信便帝曰善然卒取突厥或有言无忌權大盛者帝持表示无忌曰我與公君臣間無少疑使各懷所聞不言則蔽矣因普示羣臣曰朕子幼无忌於我有大功視之猶子也疏間親新舊謂之不順朕無取焉无忌深以盈滿為誠懇辭機密后又數言之遂解僕射授開府儀同三司與房元齡杜如晦尉遲敬德皆以元勳封一子郡公進冊司空知門下尚書省事无忌辭又因高士廉口陳以外戚位三公嫌議者

謂天子私后家帝曰朕任官必以才否則雖親若襄邑王神符不妄授若才雖仇如魏徵不棄也夫緣后兄愛昵厚以子女玉帛豈不可以其兼文武兩器朕故相之公等孰不曰然无忌固讓優詔答之帝又思所與其艱難賴无忌以免作威鳳賦以賜且況其功帝欲功臣並世襲刺史貞觀十一年乃詔以无忌為趙州刺史以趙為公國房玄齡為宋州刺史史國於梁杜如晦贈密州刺史國於萊李靖濮州刺史史國於衛高士廉申州刺史史國於申侯君集陳州刺史史國於陳道宗鄂州刺史王江夏孝恭觀州刺史王河間尉遲敬德宣州刺史史國於鄂李勣蘄州刺史史國於英段志玄金州刺史史國於襄程知節普州刺史史國於盧劉弘基朗州刺史史國於夔張亮澧州刺史史國於郢凡十有四人餘官食邑並如故无忌等辭曰羣臣披荆棘事陛下今四海混一誠不願遠還左右而使世牧外州與遷徙等又與玄齡上表固辭遂止後帝幸其第自家人嫗姪勞賜皆有差久之進位司徒十七年令圖畫无忌等二十四人於凌烟閣優詔褒之太子承乾廢帝欲立晉王未決坐兩儀殿羣臣已罷獨留无忌玄齡勸言東宮事因曰我三子一弟未知所立吾心無聊即投牀取佩刀自向无忌等驚爭抱持奪刀授晉王而請帝所欲立帝曰我欲立晉王无忌曰謹奉詔異議者斬帝顧王曰舅許汝矣宜即謝王乃拜帝復曰公等與我意合天下其謂何答曰王以仁孝聞天下久矣固無異辭有如下不同臣負陛下百死於是遂定以无忌為太子太師按新書載无忌以太子太師同中書門下三品且謂同三品自此始考其實然无忌為太子太師玄齡為太傅蕭瑀為太保李勣為詹事皆十七年四月己丑事是時无忌玄齡已為宰相其同中書門下三品者謂瑀勣耳本紀及宰相表書以瑀勣同三品而不及无忌玄齡最可據即百官志亦

謂同三品之名自勣始不云自无忌又欲立吳王恪无忌始也舊書本無此二句今改正帝又欲立吳王恪无忌密爭止之帝征高麗詔攝侍中還辭師傳官聽罷太子太師遙領揚州都督帝常從容問曰朕聞君聖臣直人常苦不自知公宜面攻朕得失无忌曰陛下神武聖文冠卓千古誠不見有所失帝曰朕冀聞過公等乃相諛說朕當許公等可否以相規謂高士廉心術警悟臨難不易節所乏骨鯁耳唐儉有辭善和解人酒杯流行發言可意事朕二十年未嘗一言國家事楊師道性謹審自能無過而懼不更事緩急非可倚岑文本敦厚文章論議其所長也謀長經遠自當不負於物劉洎堅正其言有益不輕然諾於人能自補闕馬周敏銳而正評裁人物直道而行所任皆稱朕意褚遂良鯁亮有學術竭誠親於朕若飛鳥依人自加憐愛无忌應對機敏善避嫌求於古人未有其比總兵攻戰非所善也二十三年帝疾甚召入臥內帝引手捫无忌頤无忌哭帝感塞不得有所言朔日與遂良入受詔顧遂良曰我有天下无忌力也爾輔政勿令譏毀者害之有頃崩方在離宮皇太子悲慟无忌曰大行以宗廟社稷屬殿下宜速即位因祕不發喪請還宮太子即位是為高宗進无忌太尉檢校中書令兼知門下尚書二省固辭尚書省許之帝欲立武昭儀為后无忌固言不可帝密以寶器錦帛十餘車賜之又幸其第擢三子皆朝散大夫昭儀母復詣其家中請許敬宗數勸之无忌厲色折拒帝後召无忌遂良及于志寧言后無息昭儀有子必欲立之者无忌已數諫即曰先帝付託遂良願陛下訪之遂良極道不可帝不聽后既立以无忌受賜而不助已銜之敬宗瑞后指陰使洛陽人李奉節上无忌變事與侍中辛茂

將臨拔傳致反狀帝驚曰將妄人構間殆不其然敬宗具言反迹已露陛下不忍非社稷之福帝泣曰我家不幸高陽公主與我同氣往謀反今舅復爾使我重愧天下奈何對曰房遺愛口乳臭與女子反安能就事无忌姦雄天下所畏服一旦竊發陛下誰使禦之今即急恐攘袂一呼以嘯同惡且爲宗廟憂陛下不見隋室平宇文化及父宰相弟尙主而身掌禁兵煬帝處之不疑然而起爲戎首遂亡隋願陛下決之帝猶疑更詔審覈明白敬宗言无忌反明甚請逮捕帝泣曰舅果爾我決不忍殺後世其謂我何敬宗曰漢文帝舅薄昭從代來有功後坐殺人帝惜撓法令羣臣喪服就哭之昭自殺良史不以爲失今无忌忘先帝之德舍陛下至親乃欲移社稷敗宗廟豈特昭比邪在法夷五族臣聞當斷不斷反受其亂乘機亟行緩必生變无忌與先帝謀取天下天下伏其智王莽司馬懿之流今逆徒自承何疑而不決帝終不質問遂下詔削官爵封戶以揚州都督一品俸置於黔州所在發兵護送流其子祕書監冲等於嶺外從弟渝州刺史知仁貶翼州司馬後數月又詔司空勛中書令敬宗侍中茂將等覆按反獄敬宗令大理正袁公瑜御史宋之順等卽黔州暴訊无忌投轡卒冲免死殺族子祥流族弟思於檀口大抵替親皆謫徒初无忌與遂良悉心奉國以天下安危自任故永徽之政有貞觀風帝亦賓禮老臣拱己以聽綱紀設張此兩人維持之也既二后廢立計不合姦臣陰圖帝暗於聽受卒以屠覆自是政歸武氏幾至亡國上元元年追復官爵以孫元翼襲封舊書載是年以孫延圭齊獻公之祀而翼卽延之子於无忌爲翼襲封事又考宰相世系表元翼孫疑本傳作孫者誤初无忌自作墓昭陵塋中至是

許還葬文宗開成三年詔曰每覽國史至太尉无忌未嘗不廢卷而歎其以裔孫均爲猗氏令

無忌從父敞字休明隋煬帝爲晉王敞以庫直從敗驪山王凌危逐鹿因敞諫乃止卽位頗見識擢及幸江都留守禁禦高祖入關率子弟謁新豐授將作少監出爲杞州刺史貞觀初坐受賕免太宗以后屬歲私給廩償其費累封平原郡公卒贈幽州都督諡曰良陪葬昭陵從父弟操字元節父竄爲周大司徒薛國公操有學術初高祖辟署相國府金曹參軍未幾檢校虔州刺史從秦王征討嘗侍旁與聞祕謀徙陝州城中無井人勤于汲操爲鑿河溜入城百姓利安以母喪解長老守闕頌遣愛服除封樂壽縣男爲齊揚益三州刺史課皆最下詔褒揚永徽初以陝州刺史卒贈吏部尚書賜諡曰安葬給鼓吹至虔罷

子詮尙新城公主詮女兄爲韓瑗妻无忌得罪詮流備州有司希旨殺之詮有甥趙持滿者工書善騎射力搏虎走逐馬而仁厚士京師無貴賤愛慕之爲涼州長史常逐野馬射之矢洞於前邊人畏伏詮之貶許敬宗懼持滿才能仇已追至京屬吏訊擄色不變曰身可殺辭不可枉遂死獄中

褚遂良字登善通直散騎常侍亮子隋大業末爲辭舉
通事舍人仁果平授秦王府鎧曹參軍貞觀中累遷起
居郎博涉文史工隸楷太宗嘗歎曰虞世南死無與論
書者魏徵白見遂良帝令侍書帝方博購王羲之故帖
天下爭獻莫能質眞僞遂良獨論所出無舛冒者十五
年帝將有事泰山至洛陽星字太微犯郎位遂良諫曰
陛下方告成岱宗而彗輒見此天意有所未合昔漢武

帝行岱禮優柔者數年臣愚願加詳慮帝寤詔罷封禪
遷諫議大夫兼知起居事帝曰卿記起居大抵人君得
觀之否對曰今之起居古左右史也善惡必記戒人主
不爲非法未聞天子自觀史也帝曰朕有不善卿必記
耶對曰守道不如守官臣職載筆君舉必書劉洎曰使
遂良不記天下之人亦記之矣帝以爲然謹按通鑑載
洎批
宗室欲觀起居達於千里之外鶴鳴聲聞理固不爽
親何如劉洎是時魏王泰禮秩如嫡羣臣未敢諫帝
言之中桀要乎從容訪左右曰方今何事尤急遂良曰今四方仰德誰
弗率者唯太子諸王宜有定分帝曰有是哉朕年五十
日以衰怠雖長子守器而弟支子尙五十人心常念焉
公等爲我簡賢者保傅之且事人久則情媚熟非意窺
窺多由此作於是限王府官僚不得過四考帝嘗問舜
造漆器禹雕其俎當時諫者十餘人小物何必爾邪遂
良曰奢靡之始危亡之漸也漆器不止必金爲之金又
不止必玉爲之是以諫者救其漸帝咨美之於時皇子
雖幼皆外任都督刺史遂良諫曰陛下誠以至親扞四
方雖然刺史民之師帥也得人則一部蘇息失人則合
州勞弊故漢宣帝曰與我共治惟良二千石乎臣謂皇
子未冠者可且留京師教以經學仰畏天威不敢犯禁
養成德器審堪臨州然後敦遣昔東漢明章諸帝友愛
子弟雖各有國幼者率留京師訓飭以禮訖其世諸王
數十百惟二人以惡敗自餘食和染教皆爲善良此前
事已驗惟陛下省察帝嘉納太子承乾廢魏王泰閒侍
帝許立爲嗣因謂大臣曰泰昨日投我懷中云臣今日
始得爲陛下子更生之日也臣惟有一子百年後當殺
之傳國晉王朕甚憐之遂良曰陛下失言安有爲天下

主而殺其愛子傳國晉王乎陛下昔以承乾爲嗣復寵愛泰嫡庶不明紛紛至今若必立泰非別置晉王不可帝泣曰我不能即詔長孫无忌房玄齡李勣與遂良等定策立晉王爲皇太子時飛雉數集宮中帝問此何祥也遂良曰昔秦文公時有倂子化爲雉鳴陳倉雄鳴南陽倂子曰得雄者王得雌者霸文公遂雄諸侯始爲寶雞祠漢光武得其雄起南陽有四海陛下本封秦故雌雄並見以告明德帝悅曰人之立身不可以無學遂良所謂多識君子哉俄授太子賓客薛延陀諸督帝已納其聘復絕之遂良以爲虧信夷狄且生嫌隙不納帝欲自征高麗遂良固勸無行一不勝師必再興爲忿兵兵忿者勝負不可必帝然之會李勣詆其計帝意遂決遂良懼上言請警諸身兩京腹心也四境手足也殊裔絕域殆非支體所屬高麗王陛下所立莫離支殺之討其逆夷其地固不可失但遣一二勇將付銳兵十萬唾手可取臣間涉遼而左或水潦平地淖深三尺海壤荒漫決非萬乘所宜行是時帝銳意蕩平不見省進黃門侍郎參綜朝政莫離支遣使貢金遂良曰古者討弑君之罪不受其賂魯納郕鼎太廟春秋譏之今莫離支所貢不臣之饒不容受詔可以其使屬吏帝既平高昌歲調兵千人往屯遂良諫不可帝志取西域置其言不用西突厥寇西州帝曰往魏徵稽遂良勸我立麴文泰子弟不用其計乃今悔之帝於寢宮側別置院居太子遂良諫以爲朋友深交者易怨父子溺愛者多愆宜許太子閒還東宮近師傳專學藝以廣懿德帝從其言父喪免起復拜中書令帝寢疾召遂良長孫无忌曰漢武帝託霍光劉備託諸葛亮朕今委卿矣謂太子曰无忌遂

良在而無憂因命遂良草詔高宗即位封河南縣公進郡公坐事出爲同州刺史再歲召拜吏部尚書同中書門下三品監修國史兼太子賓客進拜尚書右僕射帝將立武昭儀召長孫无忌李勣于志宣及遂良入或謂无忌當先諫遂良曰太尉國元舅有不如意使上有棄親之譏又謂勣上所重當進曰不可司空國元勣有不如意上有斥功臣之嫌吾奉遺詔若不盡愚無以下見先帝既入帝曰罪莫大於絕嗣皇后無子今欲立昭儀謂何遂良曰皇后本名家奉祀先帝先帝疾執陛下手語臣曰我兒與婦今付卿且德音在陛下耳可遽忘之皇后無他過不可廢帝不悅翊日復言對曰陛下必欲改立后者請更擇貴姓昭儀昔事先帝身接帷第今立之奈天下耳目何帝羞默遂良因致笏殿階叩頭流血曰還陛下此笏勾歸田里帝大怒命引出武氏從轡後呼曰何不撲殺此獠无忌曰遂良受顧命有罪不加刑會李勣議與武氏立乃左遷遂良潭州都督吳縝糾議紀永徽六年九月庚午貶遂良爲潭州都督十月乙卯立宸妃武氏爲皇后宰相表載遂良貶官月日亦同然則傳所顯慶二年徙桂州未幾貶愛州刺史遂良內憂禍恐死不能自明乃上表曰往者承乾廢卒文本劉洎奏東宮不可少曠官遣濮王居之臣引義固爭明日仗入先帝留无忌玄齡勣及臣定策立陛下當受遺詔獨臣與无忌二人在陛下芳草上號慟臣即奏請即位大行柩前當時陛下手抱臣頸臣及无忌請即還京發哀大告內外宣謚臣力小任重動貽伊戚螻蟻餘乞陛下哀憐帝昏憊幸於武后訖不省歲餘卒年六十三後二歲許敬宗李義府奏長孫无忌逆謀皆遂良驅扇乃削官爵二子彥甫彥冲流愛州殺之帝遺詔聽其家

北還神龍中復官爵德宗追贈太尉文宗時詔以遂良五世孫虔爲臨汝尉安南觀察使高駢表遂良客寢愛州二男一孫耐咸通九年詔訪其後護喪歸葬陽翟云遂良曾孫璆字伯玉擢進士第累拜監察御史裏行先天中突厥圍北廷詔璆持節監總督諸將破之遷侍御史拜禮部員外郎卒

韓琬字伯玉京兆三原人父仲良武德初與定律令建言古法繁素請崇寬簡以示惟新于是宋開皇律宜于時者定之終刑部尚書秦州都督府長史穎川縣公琬少負節行博學曉吏事貞觀中以兵部侍郎襲爵永徽三年遷黃門侍郎俄同中書門下三品監修國史加銀青光祿大夫進侍中兼太子賓客王皇后之廢琬雪泣言曰皇后乃陛下在藩時先帝所娶今無罪輒廢非社稷計不納明日復諫曰王者立后配天地象日月匹夫匹婦尙知相擇況天子乎詩云赫赫宗周褒姒滅之臣讀至此嘗輟卷太息不圖本朝親見此禍帝大怒詔引出褚遂良貶潭州都督明年琬上言遂良受先帝顧託一德無二況被遷已閱寒暑其責塞矣願寬無辜以順眾心帝曰遂良之情朕知之矣其悖戾好犯上朕責之詎有過邪琬對曰遂良社稷臣臣恐蒼蠅點白損陷忠貞非國家之福帝愈不聽琬憂憤自表歸田里不報顯慶二年許敬宗李義府奏琬以桂州授遂良桂用武地倚之謀不軌于是更徙遂良愛州琬振州刺史踰年卒年五十四長孫无忌死義府等復奏琬與通謀遣使即殺之既至琬已死發棺驗視乃還追削官爵籍其家子孫謫廣州官奴神龍初武后遺詔復官爵自琬與遂良相繼死內外以言爲諱將二十年帝造奉天宮御史

李善感始上疏極言時人喜之謂爲鳳鳴朝陽

來濟揚州江都人父護兄隋左翊衛大將軍字文化及難闔門死之濟幼得免轉側流離而篤志爲文章善議論曉暢時務擢進士貞觀中累遷通事舍人太子承乾敗太宗問侍臣何以處之莫敢對濟曰陛下上不失爲慈父太子得盡天年則善帝納之除考功員外郎十八年初置太子司議郎高其選而以濟爲之兼崇賢館直學士遷中書舍人永徽二年拜中書侍郎兼弘文館學士監修國史俄同中書門下三品加銀青光祿大夫封南陽縣男遷中書令檢校吏部尚書武氏有寵特號宸妃濟與韓瑗諫妃有常員今別立號不可及將立爲后又上疏引周漢故事開陳禍福武氏已立不自安后更謾言濟等忠鯁恐前經執奏輒懷反仄請加賞慰而實銜之帝示濟及瑗濟等益懼顯慶初兼太子賓客進爵爲侯帝嘗從容問馭下所宜濟曰昔齊桓公出遊見老人命之食曰請遺天下食遺之衣曰請遺天下衣公曰吾府庫有限安得而給老人曰春不奪農時卽有食夏不奪蠶工卽有衣由是言之省徭役馭下之宜也于時山東役丁歲別數萬人又議取庸以償雇紛然煩擾故濟對及之二年兼詹事尋坐褚遂良事貶台州刺史久之徙庭州龍朔二年突厥入寇濟總兵拒之謂其眾曰吾嘗絀刑網蒙赦不死今當以身塞責遂不介冑而馳賊沒焉年五十三贈楚州刺史給靈輅還家初濟與高智周郝處俊孫處約客宣城石仲覽家仲覽衍於財有器識待四人甚厚私相與言志處俊曰願宰天下濟及智周亦然處約曰宰相或不可冀願爲通事舍人足矣後濟領吏部處約始以瀛州書佐入調濟遽注曰如志

遂以處約爲通事舍人皆至公輔濟異母兄恆上元中爲黃門侍郎同中書門下三品兄弟俱以學行稱

李義琰魏州昌樂人其先出隴西望姓及進士第補太原尉李勣爲都督僚吏憚其威義琰獨敢延辨曲直勣甚禮之徙白水令有能名擢司刑員外郎義琰姿體魁秀博學有智識累遷中書侍郎上元中進同中書門下三品兼太子右庶子高宗欲使武后攝國政義琰與郝處俊固爭事得寢章懷太子之廢盡赦官臣罪庶子薛元超等皆舞蹈義琰獨引咎涕泣搢紳義之帝每顧問必鯁切不回宅無正寢弟義璣市堂材送之義琰曰以吾爲國相且自愧尙營美宇是速吾禍義璣曰凡仕爲丞尉且崇第舍兄位高安可偪下哉答曰事難全遂物不兩興既處貴仕又廣居宇非有令德必受其殃卒不許後其木久腐乃棄之義琰改葬其先使舅家移塋而兆其所帝聞怒曰是人不可使秉政義琰懼以疾乞骸骨遷銀青光祿大夫聽致仕乃歸田里公卿以下悉祖饒通化門外時人比漢疏廣垂拱初起爲懷州刺史自以失武后意辭不拜卒子巢幼豪俊善騎射而不治細行義琰絕其交游後亡走關下獻書陳利害拜監察御史與李義府同按柳夷韓瑗獄遷殿中上書忤旨貶龍編主簿義琰從祖弟義琛

義琛擢進士第歷監察御史貞觀中文成公主貢金遇盜於岐州主名不立太宗召羣御史至目義琛曰是人神情爽拔可使追捕義琛往數日獲賊帝喜爲加七階初義琰使高麗其王據榻召見義琰不拜曰吾天子使可當小國之君奈何倨見我王詞屈爲加禮及義琛再使亦坐召之義琛匍匐拜伏時人由是見兄弟優劣累

遷刑部侍郎爲雍州長史時關輔大饑詔貧人就食商鄧義琛恐流徙不還上疏固爭左遷黎州都督降岐州刺史子紹爲柏人令有仁政縣爲立祠

上官儀字游韶陝州陝人父弘爲隋江都宮副監爲陳稜所殺儀幼匿免冒爲沙門服寢工文詞涉貫墳典貞觀初擢進士第召授弘文館直學士遷祕書郎太宗每屬文遣儀視稿宴私未嘗不預轉起居郎高宗卽位爲祕書少監進西臺侍郎同東西臺三品儀工詩其詞綺錯婉媚及貴顯人多效之謂之上官體麟德元年梁王忠抵罪許敬宗構儀與忠通謀下獄死籍其家

詳見武后傳

子庭芝歷周王府屬亦被殺庭芝女中宗時爲昭容追贈儀爲中書令秦州都督楚國公庭芝黃門侍郎岐州刺史天水郡公以禮改葬

欽定續通志卷二百十四

列傳

唐十四

于志寧

杜正倫

郭正一

劉祥道

邢文偉

休烈 放 高季輔

求仁 威 崔知溫 知悌

從 李敬玄 元素

齊賢 從 李敬玄 元素

高子貢

張行成

高智周

盧承慶

張處約

徐

于志寧字仲謚京兆高陵人曾祖周太師燕國公父宣道隋內史舍人大業末志寧調冠氏縣長山東盜起棄官歸高祖入關迎謁長春宮授銀青光祿大夫太宗為渭北道行軍元帥補記室與殷開山等參謀議辟仁果平識褚亮於囚虜中遷天樂府中郎文學館學士引亮與同列貞觀三年為中書侍郎太宗嘗宴近臣問志寧安在有司奏敕召三品志寧品第四按舊書職官志中書侍郎舊班正四品上上殿二帝悟特詔預宴因加散騎常侍太子左庶子黎陽縣公是時議立七廟羣臣請以涼武昭王為始祖志寧以涼非王業所因獨建議違之帝詔功臣世襲刺史志寧以古今事殊非久安之道帝皆從之嘗謂志寧曰太子幼卿當輔以正道無使邪僻敗其心太子敏有過惡志寧欲止之上諫苑以諷帝見大悅賜黃金十斤絹三百匹俄兼詹事以母喪免有詔起復本官固請終喪帝遣岑文本敦譬乃就職時太子以農時造曲室累月不止又好音樂過度志寧諫以為今東宮乃隋所營當時號為修麗豈容復事磨礱朱飾於其間丁匠官奴皆犯法亡命鉗鑿鉗杵往來出入監門宿衛直長千牛不得苛問牙爪在外廝役在內其可無憂乎又

宮中數聞樂聲太樂官伎輒留不出往年口敕丁寧殿下可不思之太子不納而左右多任宦官志寧復諫以為奄宦之徒體氣非全託親近為威權假出納為禍福杜漸防萌不可不慎太子益不悅東宮僕御舊得番休而太子不聽又私引突厥與相狎比志寧懷不能已上疏極言太子大怒遣張師政紇千承基往刺之二人潛入其第見志寧惓然在苦塊中不忍殺乃去太子敗帝知其狀謂曰聞公數諫承乾不聽公故至此是時宦臣皆罪廢獨志寧蒙勞免晉王為皇太子復拜左庶子遷侍中永徽元年加光祿大夫封燕國公監修國史三年洛陽人李宏泰誣告長孫无忌反有詔不待時斬之志寧以為方春少陽用事不宜行刑且誣謀非本惡逆請依律待秋分乃決從之衡山公主既公除將下嫁長孫氏志寧以為禮女十五而笄二十而嫁有故二十三年而嫁固知遇喪須終三年春秋魯莊公如齊納幣母喪未再替而圖婚二家不識以其失禮明也今議者云公除從吉此漢文創制為天下百姓耳公主身服斬衰服可以例除情不可以例改心喪成婚非人情所忍於是詔公主待服除乃婚拜尚書左僕射同中書門下三品頃之兼太子少師顯慶元年遷太傅嘗與右僕射張行成中書令高季輔俱賜田志寧奏臣家自周魏來世居關中貴業不墜今行成季輔始營產土願以臣有餘賜不足者帝嘉之分其田以與二人顯慶四年以老乞骸骨詔解僕射拜太子太師仍同中書門下三品王皇后之廢長孫无忌褚遂良固爭不見從志寧不敢言武后以其不右已銜之後因殺无忌坐免官出為榮州刺史改華州聽致仕卒年七十八贈幽州都督諡曰定後追

復左光祿大夫太子太師志寧愛賓客樂引後進然多嫌畏不能有所薦達士議少之前後預撰格式律令禮典五經諸史賞賜不可勝計又嘗與李勣修定本草并圖合五十四篇行於代玄孫休烈按舊書作曾孫今從休烈善文章與會稽賀朝萬齊融延陵公融齊名開元初第進士又擢制科歷祕書省正字吐蕃金城公主請文籍四種玄宗詔祕書寫賜休烈上疏曰昔東平王求史記諸子漢不與之以史記多兵謀諸子雜詭術也東平漢之懿戚尚不示征戰之書今西戎國之寇讐安可貽以經典公主下嫁異國反求良書殆有姦人勸導其中若陛下慮失其情示不得已請去春秋夫春秋當周德既衰諸侯強盛征伐競興情偽於是乎生變詐於是乎起誠與之國之患也疏入詔中書門下議侍中裴光庭曰吐蕃不識禮經孤背國恩今漸以詩書陶以聲教斯可致也休烈但見情偽變詐於是而生不知忠信節義亦於是乎在帝曰善遂與之謹按通鑑輯覽御批欲假禮義以爲漸陶與慮資權略而生變詐書生迂闊之論真不值一哂且求書者乃唐之公主非吐蕃也彼吐蕃即欲生變詐亦何藉於觀漢書哉記載者不特不達事機且昧於文義矣今錄識於此果遷起居郎直策賢殿學士比部郎中楊國忠為宰相斥不附己者出為中都郡太守肅宗立休烈奔行在擢給事中遷太常少卿知禮儀事兼修國史帝嘗謂曰良史者君舉必書朕有過失願卿何如對曰禹湯罪己其興也勃焉有德之君不忘規過于時經大盜後史籍燔闕休烈奏國史開元寶錄起居注及餘書三千八百餘篇藏與慶宮兵興焚燬殆盡請下御史嚴史館所少購府縣有得者許上送官一書進官一資一篇絹十匹凡數月止獲一二篇唯韋述以其家藏國史一百三十篇上獻中興文物未

完休烈獻五代論討著舊章天子嘉之轉工部侍郎仍修國史宰相李揆其與已齊列奏徒休烈爲國子祭酒權留史館修撰以卑下之休烈安然無屑意乾元初始詔百官元旦至於光順門賀皇后休烈奏周禮有命夫朝人君命婦朝女君自顯慶以來則天皇后甫行此禮而命婦與百官雜處在禮不經帝罷之代宗嗣位甄別名品元載稱其清諒拜左散騎常侍兼修國史加禮儀使遷太常卿累遷工部尚書封東海郡公雖歷清要不治產性恭儉仁愛無喜愠之容樂賢下士善推轂甚累年老篤意經籍嗜學不厭卒年八十一帝爲歎息贈尚書左僕射諡曰元二子益肅及休烈時相繼爲翰林學士益天寶初及進士第肅終給事中贈吏部侍郎肅子敖

敖字蹈中以高才擢進士爲祕書省校書郎于時楊憑李鄴呂元膺相繼辟幕府元和初拜監察御史五遷至右司郎中進給事中左拾遺龐嚴爲元稹李紳所厚與蔣防俱薦爲翰林學士李逢吉誣紳罪逐之而出嚴爲信州刺史防汀州刺史敖封還詔書搢紳意申嚴枉及駁奏下乃論貶嚴太輕眾皆嗤謔逢吉乃厚敖三遷至戶部侍郎出爲宣歙觀察使敖修謹家世用文學進初爲時所稱及居官無所建明不還物以自容名益減卒贈禮部尚書四子珪璋瑛瑒皆清顯璋知名琮字禮用落魄不事事以門資爲吏久不調駙馬都尉鄭顥獨器之宣宗詔遷士人尚公主者顥語璋曰子有美才不飾細行爲眾毀所抑能爲之乎璋許諾中書舍人李潛知貢舉顥以琮託之擢第授左拾遺初尙承福公主主未降食帝前以事折匕箸帝知其不可妻士大

夫更詔尙廣德公主咸通中以水部郎中爲翰林學士遷中書舍人閏五月轉兵部侍郎判戶部八年同中書門下平章事進中書侍郎兼戶部侍郎爲韋保衡所構檢校司空山南東道節度使三貶韶州刺史保衡敗僖宗以太子少傅召未幾復爲山南節度使入拜尙書右僕射黃巢陷京師以病臥家巢欲起爲相琮辭疾賊迫脅不止乃曰吾死在旦夕位宰相義不受汚賊遂害之寵嚴字子肅壽州壽春人第進士舉賢良方正策第一拜拾遺辭章峭麗累遷駕部郎中知制誥坐累出復入稍遷太常少卿太和五年權京兆尹強幹不阿貴勢然貪利溺聲色卒於官

高馮字季輔以字行德州蓆人居母喪以孝聞兄元道仕隋爲汲令縣人反城應賊殺元道季輔率其黨與縣人戰擒之斬首以祭賊眾畏服更歸附之至數千人俄與武陟李厚德將其眾降授陟州總管府戶曹參軍貞觀初拜監察御史彈治不避權要累轉中書舍人列上五事以爲今天下大定而刑未措何哉良由謀猷之臣不崇簡易之政臺閣之吏昧於經遠之道執憲者以深刻爲奉公當官者以侵下爲益國如尙書八座人上所責成者也宜擇溫厚修潔者任之敦樸素革浮僞使家議慈孝人知廉恥自然禮節興而禍亂息矣竊見陛下躬行節儉而營繕未息正丁正匠不能給驅使又和雇以重勞費人主所欲何求而不得願愛其財毋使殫惜其力毋使敝畿內數州京師之本土狹人庶儲蓄少而科役多宜蒙優貸令得休息彊本弱支之義也至江南河北人頗舒閒宜爲差等均量勞逸公侯勳戚之家邑入俸稍足以奉養而貨息出舉爭求什一下民化之競

爲錐刀宜加懲革仕以代耕而今外官卑品皆未得祿夫飢寒切身雖夷惠不能全其行不恤其匱而責其廉正恐巡察歲出輶軒繼軌而侵漁不息也宜及戶口漸繁倉庾日實稍加廩賜使得事父母養妻子然後督責其效則庶官畢力矣密王元曉等俱陛下懿親當正其禮比見帝子拜諸叔諸叔答拜爵封既同當明昭穆願垂訓正以爲彝法書奏帝稱善進授太子右庶子數上書切言得失帝賜鍾乳一劑曰爾進藥石之言朕以藥石相報後爲吏部侍郎善銓敘人物帝賜金背鏡一沉其清鑒焉久之遷中書令檢校吏部尙書監修國史進爵穆縣公永徽初加光祿大夫侍中兼太子少保感疾歸第有詔以其兄毓州刺史季通爲宗正少卿視疾遣中使日候增損卒年五十八贈開府儀同三司荊州都督諡曰憲子正業仕至中書舍人坐善上官儀貶懷表張行成字德立定州義豐人少師事劉炫炫謂門人曰行成體局方正廊廟才也大業末察孝廉爲謁者臺散從員外郎後爲王世充度支尙書世充平以隋資補數熟尉家貧代計吏集京師擢制舉乙科調富平主簿有能名召補殿中侍御史糾劾嚴正太宗以爲能謂房玄齡曰古今用人未有不因介紹若行成者朕自舉之無先容也常侍宴帝語山東及關中人意有同異行成曰天子四海爲家不容以東西爲限是示人以隘矣帝稱善賜名馬一錢十萬衣一稱自是有大政事令與議焉累遷給事中帝嘗謂羣臣朕爲人主兼行將相事豈不是尋公等名行成退上疏以爲左右文武誠無將相才奚用大庭廣眾與之量較損萬乘之尊與臣下爭功哉帝嘉納之轉刑部侍郎太子少詹事太子駐定州監國

謂曰吾乃送公衣錦過鄉耶令有司祠其先墓行成薦其里人魏唐卿崔寶權馬龍駒張君劭皆以學行聞太子召見以其老不可任以事厚賜遣之太子使行成詣行在帝見悅甚賜勞尤渥還爲河南巡察大使稱旨檢校尙書左丞是歲帝幸靈州詔皇太子從行成諫曰皇太子宜留監國對百寮曰決庶務既爲京師重且示四方盛德帝以爲忠遷侍中兼刑部尙書高宗即位封北平縣公監修國史時晉州地震不息帝問之對曰天陽也君象地陰也臣象君宜動臣宜靜今靜者願動恐女謁用事大臣陰謀又諸王公主參承起居或伺閒隙宜明設防閑且晉陛下本封應不虛發伏願深思以杜未萌帝然之詔五品以上極言得失俄拜尙書左僕射太子少傅永徽四年自三月不雨至五月行成懼以老乞身制答曰古者策免乖罪己之義此在朕寡德非宰相咎行成固請帝泣留之不得已復視事未幾卒於尙書省舍年六十七詔九品以上就第哭比敘三遣使賜內衣服尙宮宿其家護視贈開府儀同三司并州都督諡曰定弘道元年詔配享高宗廟廷

按新舊書皆以張易之昌宗附行成傳後

今改入後

幸此從制

杜正倫相州涇水人隋世重舉秀才天下不十人而正倫一門三秀才皆高第爲世欽羨調武騎尉太宗素知名表直秦王府文學館貞觀元年魏徵薦其才擢兵部員外郎俄遷給事中知起居注帝嘗曰朕坐朝不敢多言必待有利於民乃出諸口正倫曰臣職左史陛下一言失非止損百姓且筆之書千載累德帝悅賜采綬二百進累中書侍郎與韋挺庚世南姚思廉論事稱旨帝爲設宴具召四人者謂曰我聞神龍可授以馴然領有

逆鱗嬰者死人君亦有之卿屬遂犯吾鱗補闕失朕其慮危亡哉思卿至意故舉酒以相樂也各賜帛有差太子監國詔正倫行左庶子兼崇賢館學士帝謂正倫吾兒幼未有就德我嘗物物戒之今當監國不得朝夕見故輟卿于朝以佐太子擢中書侍郎封南陽縣侯仍兼太子左庶子出入兩宮典機密以辦治稱後太子稍失道帝語正倫太子數私小人卿可審喻之教而不從其語我來故正倫顯諫無所避太子不從輒道帝語督切太子即表聞帝責曰何漏洩我語對曰開示不入故以陛下語怖之帝怒出爲穀州刺史再貶交州都督太子廢坐受金帶流驩州久之授鄂石二州刺史顯慶元年擢黃門侍郎兼崇賢館學士進同中書門下三品又兼度支尙書仍知政事遷中書令封襄陽縣公初正倫已通貴李義府尙微及同執政不能下中書侍郎李友益義府族也晚附正倫同撫義府斲缺義府使人告正倫友益交通罔上有異計高宗惡之出正倫爲橫州刺史流友益峰州正倫卒於貶所

按新書稱正倫堅杜固日乃止其事近怪且謂城南諸杜自此不振尤迂誕不足信殆類世之爲形家言者託此以神其術而史官無識攝捫及之

今刪不載

論文思恭歸謂人曰與杜公評文今日覺吾文頓進無子以兄子志靜爲嗣從子求仁孫咸皆顯名

求仁有雅才永淳中授監察御史坐事爲黜令與徐敬業舉兵爲興復府長史死於難威權進士第累遷右臺監察御史牂牁反威監軍出討賊保壘自固道荒漫師不能進咸乃息士示不欲戰陰伺之時早暑風熾咸縱火謀而前賊眩怖相失自騰踐死擒其首遂平之遷侍御史出爲汾州長史開元中爲

河北按察使坐用法深刻貶睦州司馬

崔知溫字禮仁許州鄆陵人仕爲左千牛稍遷靈州司馬境有渾斛薩萬帳數擾齊民農皆釋耒習騎射以并賊知溫表徙河北虜不樂遷將軍契苾何力爲言乃止知溫固請疏十上報卒徙河北自是人得就耕渾斛薩至徙地願善水草亦忘遷後入朝過州謝曰初徙且怨公今地膏腴眾孽息更荷公恩皆再拜四遷蘭州刺史党項羌三萬人寇州兵寡眾懼不知所出知溫開闢不設備羌怪之不敢進俄會將軍權善才率兵至大破其眾善才欲窮追取之知溫曰古善戰弗逆奔且谿谷複深草木荒延萬一有變恐悔善才曰善分降口五百贈知溫辭曰我議公事圖私利耶果遷尙書左丞轉黃門侍郎修國史永隆初以秩卑特詔同門下三品兼修國史遷中書令卒年五十七贈幽州大都督諡曰忠子泰之開元時爲工部尙書諤之爲將作少匠與誅二張功封博陵縣侯實封二百戶終少府監兄知梯亦至中書侍郎與戴至德郝處俊李敬玄等同賜飛白書贊而知梯敬玄以忠勤見表遷尙書左丞裴行儉之破突厥斬泥孰旬殘落保狼山詔知梯馳往定襄慰將士佐行儉平夷寇有功終戶部尙書高智周常州晉陵人第進士補越王府參軍遷費令與丞尉均取俸民安其化刻石頌美入擢祕書郎弘文館直學士三遷蘭臺大夫孝敬在東宮與司文郎中賀敬司經大夫王真儒並爲侍讀得告還鄉里歎曰進不知退取禍之道也即移病去俄拜壽州刺史其治尙文雅行部先見諸生質經義及政得失既乃錄獄訟耕餉勤惰以爲常遷正議大夫黃門侍郎儀鳳初進同中書